



苑詩類選卷之二十六

明監察御史包節輯按察司知事前給事中王友校

軍旅部

講閱 征伐 邊塞 邊將

○從駕觀講武

庾信

校戰出長楊兵欄入闔塲置陣雲橫起開營鴈翼張門  
嫌磁石礙馬畏鐵菱傷龍淵出牛斗繁弱駭天狼落星  
奔驥驟浮雲上驪驪急風吹戰鼓高塵擁具裝駭猿時  
落木驚鴻屢斷行樹寒條更直山枯菊轉芳豹畧推全  
勝龍圖揖所長小臣欣寓目還知奉會昌

出獵

唐太宗

楚王雲夢澤漢帝長楊宮豈若因農暇閱武出轅嵩三  
驅陳銳卒七萃列材雄寒野霜氣白平原燒火紅琯戈  
夏服箭羽騎綠沉弓怖獸潛幽壑驚禽散翠空長烟晦  
落景灌木振嚴風所謂除民瘼非是悅林叢

奉和杜員外扈從教閱

李嶠

杪冬嚴殺氣窮紀送頽光薄狩三農隙大閱五戎塲萊  
田初起燒蘭野正披香夾岍虹旗轉分郊獸罟張鴈弧  
帶曉月吳劔動秋霜原啓前禽路山縈後騎行雲區墜  
日羽星花斃天狼禮振軍容肅威宣武節揚仁心體殷  
祝靈兆叶姬祥幸陪仙駕末欣採翰林芳

以上講閱

○從北征

祖孝徵

翠旗臨塞道靈鼓出桑乾祈山歛雰霧瀚海息波瀾戍  
亭秋雨急關門朔氣寒方繫單于頸歌舞入長安

又

裴讓之

沙漠胡塵起關山烽燧驚皇威奮武畧上將摠神兵高  
臺朔風駛絕野寒雲生匈奴定遠近壯士欲橫行

奉報趙王出師在道賜詩 庾信

上將出東平先定下江兵彎弧伏石動振鼓沸沙鳴橫  
海將軍號長風駿馬名雨歇殘虹斷雲偏一鴈征暗巖  
朝石濕空山夜月明低橋澗底渡狹路花中行錦車同

建節魚軒異伯榮軍中女子氣塞外夫人城小人垂攝  
養岐路阻逢迎幾日芝田熟何年金竈成哀笳關塞曲  
嘶馬別離聲王子身為寶恩深不倚衡

和趙王送從軍

前人

樓船聊習戰白羽試撫軍山城對卻月岫陳抵平雲赤  
蛇懸弩影流星抱劍文胡笳遙警夜塞馬暗嘶羣客行  
明月峽猿聲不可聞

平胡二首

唐玄宗

雜虜忽猖狂無何敢亂常羽書朝繼入烽火夜相望將  
出函門勇兵因死地強蒙輪皆突騎按劍盡鷹揚鼓角

雄山野龍蛇入戰場流膏潤沙漠滅血染鋒鋌霧廓清  
玄塞雲開靜朔方武功今已立文德愧前王

其二

邊服胡塵起長安漢將飛龍蛇開陣法貔虎振軍威詐  
虜肝塗地征夫血染衣今朝書奏入明日凱歌歸

送劉校書從軍

楊炯

天將下三宮星門召五戎坐謀資廟畧飛檄佇文雄赤  
土流星劍烏號明月弓秋陰生蜀道殺氣繞湟中風雨  
何年別琴樽此日同離亭不可望溝水自西東

軍師凱旋自邕州順流舟中

李嶠

鳴鞞入嶂口泛舫歷川湄尚想江陵陣猶疑下瀨師岍  
迴帆影疾風逆鼓聲遲萍葉沾蘭葉林花拂桂旗弓鳴  
蒼隼落劒動白猿悲芳樹吟羌管幽篁入楚詞全軍多  
勝策無戰在明時寄謝山東妙長纓徒自欺

送駱奉禮從軍

前人

玉塞邊烽舉金壇廟畧申羽書資銳筆戎幕引英賓劒  
動三軍氣衣飄萬里塵琴樽留別賞風景惜離晨笛梅  
含晚吹營柳帶餘春希君勒石反歌舞入城闔

送別崔著作東征

陳子昂

金天方肅殺白露始專征王師非樂戰之子慎佳兵海  
氣侵南部邊風掃北平莫賣盧龍塞歸邀麟閣名

夏日都門送司馬員外逸客孫員外佺共此

征

沈佺期

二庭追虜騎六月動周師廟畧天人授軍麾相國持復  
言徵二妙才令重當時畫省連征橐橫門共別詞雲迎  
出塞馬風卷渡河旗計日方夷寇旋聞杖杜詩

又

李义

日逐滋南寇天威撫北垂析珪行杖節持印且分麾羽  
檄雙鳧去兵車駟馬馳虎旗懸氣色龍劒抱雄雌候月

期戡剪經時念別離坐聞關隴外無復引弓兒

送趙二尚書彥昭北伐 張說

虜地河水合邊城備此時兵連紫關路將舉白雲司提  
劍榮中賞銜珠盛出師日華鮮組練風色焰旌旗投筆  
尊前起橫戈馬上辭梅花吹別引楊柳賦新詩

奉和御製平胡二首 裴漼

玄漠聖恩通由來書軌同忽聞窺月滿相聚寇雲中廟  
畧占黃氣神兵出絳宮將軍行逐虜使者亦和戎一舉  
輟輜滅再麾沙朔空直將威禁暴非用武為雄飲至明  
軍禮疇勲錫武功干戈還載戢文德在唐風

其二

殊類驕無長王師示有征中軍纔授律妖寇已亡精軌  
虜還遮塞綏降更築城從來攻必克天策振奇兵

又 韓休

南牧正紛紛長河起塞氛玉兵徵選士金鉞拜將軍疊  
鼓搖邊吹連旗暗朔雲妖星乘夜落佳氣入朝分始見  
幽烽警俄看烈火焚功成奏凱樂戰罷策歸勲盛德陳  
清廟神謨屬太君叨榮逢偃武率舞詠時文

從軍北征 李益

天山雪後海風寒橫笛偏吹行路難磧裏征人三十萬

一時回首月中看

以上征伐

○和邊城秋氣早

李義府

金微凝素節，玉律應清葭。邊馬秋聲急，征鴻曉陣斜。  
關樹凋涼葉，塞草落寒花。霧暗長川景，雲昏大漠沙。  
溪深路難越，川平望超忽。極望斷烟飄，遙落驚蓬沒。  
霜結雲城吹，水照龜林月。日色夏猶冷，霜華春未歇。  
睿作高紫宸，分明映玄闕。

送朔方何侍御

宋之問

聞道雲中使，乘驄往復還。河冰守陽月，塞虜失陰山。  
拜職常隨驃，銘功不讓班。旋聞受降日，歌舞入蕭關。

塞外二首

鄭愔

塞外蕭條望，征人此路賒。邊城亂朔馬，秋引動胡笳。  
遙障侵歸日，長城帶晚霞。斷蓬飛古戍，連鴈聚寒沙。  
海暗雲無葉，山春雪作花。丈夫期報主，萬里獨歸家。

其二

陽鳥南飛夜，陰山北地寒。漢家征戍客，年歲在樓蘭。  
玉塞朔風起，金河秋月團。邊聲入鼓吹，霜氣下旌竿。  
海外歸書斷，天涯旅鬢殘。子卿猶奉使，怕向節旄看。

邊愁

崔湜

九月蓬根斷，三邊草葉腓。風塵馬變色，霜雪劍生衣。  
客

思秋陰遠邊書驛騎歸殷勤鳳樓上還袂及春暉

早春邊城懷歸

前人

大漠羽書飛長城未解圍山川凌玉障旌節下金微路  
向南庭遠書因此鴈稀鄉關搖別思風雪故戎衣歲盡  
仍為客春還尚未歸明年征騎返歌舞及芳菲

邊秋薄暮

蘇頲

海外秋鷹擊霜前旅鴈歸邊風思鞞鼓落日慘旌麾浦  
暗漁舟入川長獵騎稀客悲逢薄暮况乃事戎機

餞趙尚書攝御史大夫赴朔方軍

前人

勁虜欲南飛揚兵護朔垂趙堯寧易印鄧禹即分麾野  
餞迴三傑軍謀用六奇雲邊愁出塞日下愴臨歧拔劍  
行人舞揮戈戰馬馳明年麟閣上充國拜於斯

冀北春望

崔液

迴首覽燕趙春生兩河間曠然餘萬里際海不見山雨  
歇青林潤煙空綠野閑問鄉無處所自送白雲還

遼西

崔顥

燕郊芳歲晚殘雪凍邊城四月青草合遼陽春水生胡  
人正牧馬漢將日微兵靈重寶刀濕沙虛金鼓鳴寒衣  
著已盡春服與誰成寄與洛陽使為傳邊塞情



送張判官赴河西

王維

單車曾出塞報國敢邀勳見逐張征虜今思霍冠軍沙  
平連白雪蓬卷入黃雲慷慨倚長劍高歌一送君

送宇文三赴河西充行軍司馬

前人

橫吹雜繁笳邊風卷塞沙還聞田司馬更逐李輕車蒲  
壘成秦地莎居屬漢家當今大戎國朝聘學昆邪

送劉司直赴西安

前人

絕域陽關道胡沙與塞塵三春時有鴈萬里少行人首  
宿隨天馬蒲萄逐漢臣當今外國懼不敢覓和親

涼州

王之奐

一片孤城萬仞山黃沙直

一作河遠

上白雲間羌笛何須怨

楊柳春光不度玉門關

營州

高適

營州少年滿泉野狐裘蒙茸獵城下虜酒千杯不醉人  
胡兒十歲能騎馬

登臨洮赴北庭留別

岑參

聞說輪臺路連年見雪飛春風曾不到漢使亦應稀白  
草通疎勒青山過武威勤王敢道遠思向夢中歸

送李判官入京

前人

一身從遠使萬里向安西漢月垂鄉淚胡沙損馬蹄尋  
河愁地盡過磧覺天低送子軍中飲家書醉裏題

早發破訥沙

李益

破訥沙頭鴈正飛鷓鴣泉上戰初歸平明日出東南地  
滿磧寒光生鐵衣

以上邊塞

○安輯嶺表事平罷歸

李嶠

雲端想京縣帝鄉如可見天涯望越臺海路幾悠哉六  
月飛鵬去三年瑞雉來境遙銅柱出山險石門開自我  
違纏洛瞻途屢揮霍朝朝寒路多夜夜征衣薄白簡承  
朝憲朱方撫夷落既弘天覆廣且諭皇恩博皇恩溢外

區憬俗詠來蘇正朔臣天子壇場拜老夫絳宮韜將  
黃石寢兵符返旆收龍虎宮營集鳥鳥日落塵氛霽憑  
高視襟帶東甌抗于越南斗臨吳會春色遶邊陲飛花  
出荒外卉服紛如積長川思遊客風生丹桂晚雲起蒼  
梧夕去舳艫清江歸軒趨紫陌衣裳會百蠻琛賫委重  
關不學金刀使空持寶劍還

送魏大從軍

陳子昂

匈奴猶未滅魏絳復從戎悵別三河道言追六郡雄鴈  
山橫代北孤塞接雲中勿使燕然上唯留漢將功

同錢楊將軍兼源州都督御史中丞

蘇頌

右地接龜沙中朝任虎牙然明方改俗去病不為家將  
禮登壇盛軍容出塞華朔風搖漢鼓邊月思胡笳旗合  
無邀正冠危有觸邪當看勞旋日及此御溝花

送趙頤直郎中赴安西

張說

絕鎮功難立懸車命匪輕復承遷相後彌重任賢情將  
起神仙地才稱禮樂英長心堪繫虜短語足論兵日受  
休明法星教置陣名龍泉息已署燕頤相終成月窟窮  
天遠河源入塞清老夫操別翰承旨頌昇平

送人之軍中

賀知章

常經絕脛塞復見斷腸流送子成今別令人起昔愁  
雲晴半雨邊草夏先秋萬里長城寄無貽漢國憂

送趙都督赴安西

孫逖

外域分都護中臺命職方欲傳清廟畧為取劇曹郎已  
佩登壇印猶懷伏奏章百壺開祖餞駟牡結戎裝青海  
連西夏黃河帶北涼關山瞻漢月戈劔宿胡霜體國才  
先著論兵策復長果持文武術還繼杜當陽

送羽林陶將軍

李白

將軍出使擁樓船江上旌旗拂紫烟萬里橫歌探虎穴  
三杯拔劔舞龍泉莫道詞人無膽氣臨行相贈繞朝鞭

錢王將軍赴雲中

孟匡明

貳師憑廟畧分閫  
佐元戎勢亞雕弓  
寵時推金印雄關  
山橫代北旌節壯  
河東日轉前茅影  
春生細柳風飲冰  
君命速揮涕餞筵  
空佇聽陰山靜誰  
爭萬里功

送單于裴都尉赴安西

崔顥

征馬去翩翩秋城  
月正圓單于莫近  
塞都護欲臨邊漢  
驛通烟火胡沙泛  
井泉功成須獻捷  
未必去經年

贈梁州張都督

前人

聞君為漢將虜騎  
不南侵出塞清沙  
漠還家拜羽林風  
霜臣節苦歲月主  
恩深為語西河使  
知余報國心

送趙都督赴代州得青字

王維

天官動將星漢地  
柳條青萬里鳴刁  
斗三軍出井陘忘  
身辭鳳闕報國取  
龍庭豈學書生輩  
窓前老一經

贈裴旻將軍

前人

腰間寶劍七星文  
臂上雕弓百戰勲  
見說雲中擒黠虜  
始知天上有將軍

送人赴安西

岑參

上馬帶吳鉤翩翩  
度隴頭小來思報  
國不是愛封侯萬  
里鄉回夢三邊月  
作愁早須清黠虜  
無事莫經秋

投贈哥舒開府翰二十韻

杜甫

今代麒麟閣何人第一功君王自神武駕馭必英雄開  
府當朝傑論兵邁古風先鋒百勝在畧地兩隅空青海  
無傳箭天山早掛弓廉頗仍走敵魏絳已和戎每惜河  
湟棄新兼節制通智謀垂睿想出入冠諸公日月低秦  
樹乾坤遠漢宮胡人愁逐北宛馬又從東受命邊沙遠  
歸來御席同軒墀曾寵鶴畋獵舊非熊茅土加名數山  
河誓始終策行遺戰伐契合動昭融勲業青冥上交親  
氣槩中未為珠履客已見白頭翁壯節初題柱生涯獨  
轉蓬幾年春草歇今日暮途窮軍事留孫楚行間識呂  
蒙防身一長劍將欲倚崆峒

奉送郭中丞兼太僕卿充隴右節制使

前人

詔發山西將秋屯隴右兵淒涼餘部曲燁赫舊家聲鷓  
鷯乘時去驂駟顧主鳴艱難湏上策容易即前程斜日  
當軒蓋高風轉旆旌松悲天水冷沙亂雪山清和虜猶  
懷惠防邊詎敢驚古來於異域鎮靜示專征燕薊奔封  
豕周秦觸駭鯨中原何慘黷餘孽尚縱橫箭入昭陽殿  
姑吟細柳營內人紅袖泣王子白衣行宸極妖星動園  
陵殺氣平空餘金盃出無復總帷輕毀廟天飛雨焚宮  
火徹明果恩朝共落榆檜夜同傾三月師愈整羣胡勢

就烹瘡痍親接戰角決冠推成妙譽期元宰殊恩且列  
卿幾時回節鉞戮力掃欃槍圭竇三千士雲梯七十城  
耻非齊說客甘似魯諸生通籍微班忝周行獨坐榮隨  
肩趨漏刻短髮寄簪纓徑欲依劉表還疑厭禰衡漸衰  
那此別忍淚獨含情廢邑狐狸語空村虎豹爭人頻墜  
塗炭公豈忘精誠元帥調新律前軍厭舊京安邊仍扈  
從莫作後功名

送李大都護

常建

單于雖不戰都護事邊深君執幕中祕能為高士心海  
頭近初月磧裏多愁陰西望郭猶子將分淚滿襟

奉使朔方贈郭都護

李華

絕塞臨光祿孤營佐貳師鐵衣山月冷金鼓朔風悲都  
護征兵日將軍破虜時揚鞭玉關道回首望旌旗

晚秋贈張折衝

薛業

都尉今無事時清但閉關夜霜戎馬瘦秋草射堂閑位  
以穿楊得名因折桂還馮唐真不遇歎息鬢毛班

送南進歸行營

劉長卿

聞道軍書至揚鞭不問家虜雲連白草漢月到黃沙汗  
馬河源飲燒羗隴坻遮翩翩新結束去逐李輕車

代邊將有懷

前人

少年辭魏闕白首向沙場瘦馬戀秋草征人思故鄉暮  
笳吹塞月曉甲帶胡霜自到雲中郡于今百戰強

送王相公赴幽州

皇甫冉

自昔蕭曹任難兼衛霍功勤勞無遠近旌節屢西東不  
選三河卒還令萬里通鴈行緣古塞馬鬣起長風渡虜  
關山靜防秋鼓角雄徒思一攀送羸病華門中

送王相公赴范陽

錢起

翊聖銜恩重頻年按節行安危皆報國文武不緣名受  
朕仍調鼎為霖更洗兵幕開丞相閣旗摠貳師營料敵  
知無戰安邊自有征代雲橫馬首燕鴈拂笳聲出鎮關

河靜歸看日月明欲知瞻戀切遲暮一書生

送張管書記從軍

前人

邊事多勞役儒衣逐鼓鼙日寒關樹外峯盡塞雲西河  
廣蓬難度天遙鴈漸低班超封定遠之子去思齊

送李將軍赴定州

郎士元

雙旌漢飛將萬里獨揮戈春色臨關盡黃雲出塞多鼓  
鼙悲絕漠烽戍隔長河目斷陰山路天驕已請和

代員將軍罷戰後歸故里贈朔北故人

盧綸

結髮事疆場全生俱到鄉連雲防鐵嶺同日破漁陽牧

馬胡天晚移軍磧路長枕戈眠古戍吹角立繁霜歸老  
勲仍在酬恩思未忘獨行過邑里多病對農桑雄劒依  
塵橐陰符寄藥囊空餘麾下將猶逐羽林郎

送王使君赴太原拜節度副使

司空曙

新從劉太尉結束向并州絡腦青絲騎盤囊錦帶鈎出  
關逢將校下嶺擁戈矛匣閉黃雲冷山傳畫角秋劍鋒  
將破虜函道罷登樓豈作書生老當封萬戶侯

贈張開府

耿緯

寥落軍城暮重行返照間鼓鼙經雨暗士馬過秋閑慣

守臨邊郡曾營近磧山誰云張校尉萬里鑿空還

贈老将

權德輿

白草黃雲塞上秋曾隨驃騎出并州  
轆轤折亂髯白轉戰功名獨不俟

贈邊將

韋莊

昔因征遠向金微馬出榆關一鳥飛  
萬里只携孤劒去十年空逐塞鴻歸  
手招都護新降虜身著文皇舊賜衣  
只待烟塵報天子滿頭風雪為兵機

送常大夫赴朔方

釋法震

關山今不掩軍候鳥先知大漢嫖姚入烏孫  
部曲隨高



旌天外駐寒角月中吹歸到長安第花應再滿枝邊以將

苑詩類選卷之二十六終



